



Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14- prečišćeni tekst, 38/16, 44/17, 28/18, 52/21, 40/22 i 13/25), člana 19. stav 1. tačka 4. i člana 141. stav 3. Statuta Općine Novo Sarajevo („Službene novine Kantona Sarajevo“, broj: 5/20- prečišćeni tekst i 20/20- ispravka) i člana 16. stav 2. tačka c. Odluke o izvršavanju Budžeta Općine Novo Sarajevo za 2026. godinu („Službene novine Kantona Sarajevo“, br. 1/26 i 17/26), Općinsko vijeće Novo Sarajevo, na 14. redovnoj sjednici, održanoj dana 30.06.2026. godine, donijelo je

**ODLUKU
O DODJELI JEDNOKRATNE NAKNADE ZA PORODILJE PO ROĐENJU BLIZANACA,
TREĆEG I SVAKOG NAREDNOG DJETETA**

**Član 1.
(Predmet)**

Ovom Odlukom utvrđuju se uslovi, visina pomoći, način ostvarivanja i dodjela jednokratne novčane naknade porodiljama po rođenju blizanaca, trećeg i svakog narednog djeteta sa prebivalištem na području Općine Novo Sarajevo.

**Član 2.
(Gramatička terminologija)**

Gramatička terminologija korištenja muškog ili ženskog spola podrazumijeva uključivanje oba spola.

**Član 3.
(Cilj Odluke)**

Cilj lokalne zajednice je da se kroz djelovanje u sistemu socijalne zaštite izdvajanjem budžetskih sredstava stvore bolji uslovi za porodični život i pronatalitetnu politiku.

**Član 4.
(Izvor sredstva)**

Sredstva za dodjelu jednokratne novčane pomoći obezbjeđuju se u Budžetu Općine Novo Sarajevo za tekuću budžetsku godinu, a u skladu sa finansijskim mogućnostima.

**Član 5.
(Postupak dodjele sredstava)**

Novčana sredstva iz člana 4. ove Odluke dodjeljivat će se na osnovu podnesenih prijava na Javni poziv koji raspisuje Općinski načelnik, a, koji se objavljuje početkom svake budžetske godine na web stranici i oglasnoj ploči Općine i ostaje otvoren do kraja tekuće budžetske godine odnosno do utroška planiranih budžetskih sredstava za tekuću godinu.

**Član 6.
(Sadržaj Javnog poziva)**

Javni poziv treba da sadrži sljedeće elemente:

a) naziv organa koji raspisuje Javni poziv,

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

- b) predmet Javnog poziva, odnosno svrhu i namjenu sredstava koja su predmet dodjele,
- c) ukupna finansijska sredstva potrebna za provođenje Javnog poziva, uključujući najniži i najviši iznos koji se može dodijeliti po korisniku,
- d) uslovi koje podnosioci prijave moraju ispunjavati kako bi ostvarili pravo na dodjelu novčanih sredstava u skladu sa Javnim pozivom,
- e) vremenski period za koji se Javni poziv raspisuje,
- f) obavezna dokumentaciju koju je potrebno priložiti uz prijavu, kao i forma i način dostavljanja prijave, rok za podnošenje prijave, bitne napomene, uključujući upute o načinu podnošenja prijave (lično, poštom), kontakt podatke podnosioca prijave, napomenu o neprihvatanju nepotpunih i neblagovremenih prijave, kao i informacije o postupku razmatranja i donošenja odluke,

Član 7.

(Uslovi za dodjelu novčanih sredstava)

Uslovi za ostvarivanje prava na dodjelu jednokratne novčane naknade za rođenje blizanaca, trećeg i svakog narednog djeteta po ovoj Odluci su:

- (1) da je porodilja državljanin Bosne i Hercegovine s prijavljenim prebivalištem na području općine Novo Sarajevo najmanje jednu godinu prije rođenja djeteta/djece,
- (2) da novorođeno dijete/djeca ima/ju prijavljeno prebivalište na području općine Novo Sarajevo,
- (3) da su roditelji novorođenog djeteta/djece u bračnoj ili vanbračnoj zajednici,
- (4) da je porodilja podnijela prijavu za utvrđivanje prava na jednokratnu novčanu naknadu u roku od 60 dana od dana izdavanja otpusnog pisma zdravstvene ustanove u kojoj je dijete/djeca za koje se podnosi prijava rođeno,
- (5) porodilja sa prebivalištem na području općine Novo Sarajevo ima pravo na novčanu naknadu ukoliko je otac djeteta/djece napustio bračnu zajednicu i postupak za razvod braka je pokrenut prije podnošenja zahtjeva za ostvarivanje prava, ukoliko nije priznato očinstvo ili otac nije živ,
- (4) ukoliko otac djeteta/djece ima prijavljeno prebivalište na području druge općine da nije u općini prijavljenog prebivališta ostvario jednokratnu novčanu naknadu za novorođeno dijete/djecu za koje se podnosi prijava.

Član 8.

(Izuzeci za dodjelu jednokratne novčane pomoći)

Izuzetno od odredbi člana 7. Ove Odluke, pravo na jednokratnu novčanu pomoć za rođenje blizanaca, trećeg i svakog narednog djeteta, može ostvariti:

- a) Porodilja – strani državljanin ako ima odobren stalni boravak u Bosni i Hercegovini, najmanje godinu dana prije rođenja djeteta i prijavljen boravak na području općine Novo Sarajevo i da je otac državljanin Bosne i Hercegovine koji ima prijavljeno prebivalište na području općine Novo Sarajevo najmanje godinu dana prije rođenja djeteta/djece,
- b) otac novorođenog djeteta/djece u slučaju da majka-porodilja umre u toku poroda ili u toku trajanja roka za podnošenje prijave za jednokratnu pomoć (u roku od 60 dana od izdavanja otpusnog pisma) i da ima prijavljeno prebivalište na području općine Novo Sarajevo najmanje jednu godinu prije rođenja djeteta/djece.

Član 9.

(Visina jednokratne novčane naknade)

Visina jednokratne novčane naknade za rođenje blizanaca, trećeg i svakog narednog djeteta iznosi 500,00 KM za svako dijete.

Član 10.

(Postupak za ostvarivanje prava)

- (1) Prijave sa potpunom dokumentacijom za ostvarivanje prava podnose se Komisiji za razmatranje prijave za dodjelu jednokratne novčane naknade za porodilje po rođenju blizanaca, trećeg i svakog narednog djeteta

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: vijece@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d



(u daljem tekstu Komisija), putem Službe za socijalna pitanja, zdravstvo, izbjeglice i raseljena lica (u daljem tekstu Služba), a predaju se na Protokol Općine Novo Sarajevo.

(2) U svrhu rješavanja podnesenih prijava Općinski načelnik imenuje Komisiju za razmatranje prijava, a koja se sastoji od tri člana i jednog zamjenskog člana.

(3) Za potrebe Komisije Služba obavlja administrativno-tehničke poslove.

(4) Dokumentacija koju je potrebno priložiti uz prijavu po objavljenom Javnom pozivu bit će navedena u posebnom obrascu koji će biti sastavni dio Javnog poziva.

(5) Komisija će, kontinuirano, prema redosljedu zaprimljenih prijava po Javnom pozivu nakon uvida u priloženu dokumentaciju i utvrđivanja ispunjavanja uslova za dodjelu novčanih sredstava dostaviti Prijedlog za dodjelu novčanih sredstava, na osnovu kojeg će Općinski načelnik putem Službe donijeti Zaključak o odobravanju isplate sredstava.

(6) Prijave za koje Komisija utvrdi da ne ispunjavaju propisane uslove, kao i prijave podnesene nakon utroška sredstava, bit će odbijene o čemu će Služba obavijestiti podnosioca prijave pismenim putem.

(7) Služba će pismenim putem obavijestiti i podnosioca prijave koji su ostvarili pravo na novčanu pomoć.

(8) Podnesene prijave važe samo za budžetsku godinu u kojoj je zahtjev podnesen.

(9) Pravo na jednokratnu novčanu pomoć može se ostvariti samo jednom u toku kalendarske godine.

Član 11. (Isplata novčanih sredstava)

(1) Isplata jednokratne novčane naknade vršit će se uplatom odobrenih sredstava na transakcijski račun porodilje putem Službe za privredu, budžet i finansije,

(2) O realizaciji sredstava, po odredbama ove Odluke, Općinski načelnik informiše Općinsko vijeće jednom godišnje.

Član 12. (Stupanje na snagu Odluke)

Ova odluka stupa na snagu osmog dana od dana objavljivanja u „Službenim novinama Kantona Sarajevo“.

Član 13. (Prestanak)

Stupanjem na snagu ove Odluke prestaje da važi Odluka o dodjeli jednokratne naknade za porodilje po rođenju blizanaca, trećeg i svakog narednog djeteta („Službene novine Kantona Sarajevo“, broj: 23/17 i 9/20.

Broj: 02OV-01-1-6584/26
Sarajevo, 30.06.2026. godine

PREDSJEDAVAJUĆI
Općinskog vijeća Novo Sarajevo

Mr. sci. Edison Pavlović



